

ლანჩხუთის მუნიციპალიტეტის საკრებულოს საფინანსო-საბიუჯეტო კომისიის სხდომის

ოქმი №2

ქ. ლანჩხუთი

17.03.2023.

სხდომას ესწრებოდნენ: საფინანსო-საბიუჯეტო კომისიის თავმჯდომარე ალექსანდრე მახათაძე, კომისიის წევრები: ია მოქია, ჯუმბერ ბლაგიძე, გიორგი ჩახვაძე, სპარტაკ კვაჭაძე, გიორგი გოგუაძე, კახა თედორაძე და ვერიკო კვიციანი.

მოწვეული პირები: ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი როლანდ ლაშხია, ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის უფროსი ირაკლი ხუბუნაიშვილი და ლანჩხუთის მუნიციპალიტეტის მერის პირველი მოადგილე ეკა გუჯაბიძე.

სხდომის თავმჯდომარემ, ალექსანდრე მახათაძემ სხდომას გააცნო დღის წესრიგის პროექტი:

1. „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

/მომხსენებელი: ა. მახათაძე/

2. „ლანჩხუთის მუნიციპალიტეტის „შპს ტურიზმისა და სოფლის მეურნეობის ხელშეწყობის ცენტრის“ დაფუძნებაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: ა. მახათაძე/

3. „ლანჩხუთის მუნიციპალიტეტის 2022 წლის ბიუჯეტის შესრულების ანგარიშის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: ა. მახათაძე/

4. სხვადასხვა

სხდომის თავმჯდომარემ, ალექსანდრე მახათაძემ კენჭი უყარა დღის წესრიგის პროექტს.

მომხრე-8, წინააღმდეგი-არცერთი.

დღის წესრიგის პირველი საკითხი „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს დადგენილების პროექტი კომისიას გააცნო სხდომის თავმჯდომარემ, ალექსანდრე მახათაძემ. მან აღნიშნა, რომ საწარმოსთვის/ორგანიზაციისათვის ქონების გადასახადის წლიური განაკვეთია დასაბეგრი ქონების ღირებულების 1 პროცენტი. ამ მუხლის მიზნებისათვის დასაბეგრი ღირებულება არის საშუალო წლიური საბალანსო ღირებულება (გამოიანგარიშება კალენდარული წლის დასაწყისისა და ბოლოსათვის აქტივების საშუალო ღირებულების მიხედვით), რომელიც ქვემოთ ჩამოთვლილ შემთხვევებში მხოლოდ უძრავ ქონებასთან მიმართებით უნდა გაიზარდოს:

ა) 2000 წლამდე მიღებულ აქტივებზე - 3-ჯერ;

ბ) 2000 წლიდან 2004 წლამდე მიღებულ აქტივებზე - 2 - ჯერ;

გ) 2004 წელს მიღებულ აქტივებზე - 1,5 - ჯერ;

დ) იმ აქტივებზე, რომელთა მიღების შესახებ ინფორმაცია არ არსებობს - 3 - ჯერ.

ირაკლი ხუბუნაიშვილმა დეტალურად ისაუბრა აღნიშნული საკითხის ირგვლივ და განმარტა, რომ საწარმოსთვის/ორგანიზაციისათვის, გარდა საგადასახადო კოდექსის 202-ე მუხლის 3¹ ნაწილით გათვალისწინებული შემთხვევისა, ლიზინგით გაცემულ დასაბეგრ ქონებაზე გადასახადის წლიური განაკვეთია დასაბეგრი ქონების საშუალო წლიური საბალანსო ნარჩენი ღირებულების (გამოანგარიშება კალენდარული წლის დასაწყისისა და ბოლოსათვის აქტივების საშუალო ღირებულების მიხედვით) 1 პროცენტი. ამ მუხლის მიზნებისათვის ლიზინგით გაცემული დასაბეგრი ქონების საბალანსო ღირებულება არის ქონების გაცემის მომენტისათვის არსებული ღირებულება, ხოლო ყოველ მომდევნო წლისთვის ქონების ღირებულებად ითვლება აღნიშნული ქონების ნარჩენი საბალანსო ღირებულება, რომელიც ამ ქონებას ექმნებოდა ლიზინგით არგაცემის შემთხვევაში.

ფიზიკური პირის დასაბეგრ ქონებაზე გადასახადის წლიური განაკვეთებია:

ა) 100 000 ლარამდე შემოსავლის მქონე ოჯახებისათვის - საგადასახადო პერიოდის ბოლოსთვის დასაბეგრი ქონების საბაზრო ღირებულების 0.2 პროცენტი.

ბ) 100 000 ლარის ან მეტი შემოსავლის მქონე ოჯახებისათვის - საგადასახადო პერიოდის ბოლოსთვის დასაბეგრი ქონების საბაზრო ღირებულების 1.0 პროცენტი.

განისახლვროს ლანჩხუთის მუნიციპალიტეტის ტერიტორიაზე ბუნებრივი რესურსებით მოსარგებლე პირისათვის (შესაბამისი ლიცენზიის გაცემის საფუძველზე) გამოყოფილ მიწებზე ქონების გადასახადის წლიური განაკვეთი ერთ ჰექტარზე 3 ლარით“.

1. ქონების გადასახადისაგან განთავისუფლდეს:

ა) საცხოვრებელ სახლებზე მიმაგრებული მიწის ნაკვეთები, რომლის ფართობი არ აღემატება 600 კვ.მ-ს.

ბ) ავტოფარეხზე მიმაგრებული მიწის ნაკვეთები, რომლის ფართობი არ აღემატება 24 კვ.მ-ს.

2. ამ მუხლის პირველი პუნქტით გათვალისწინებული ქონების გარდა, ქონების გადასახადისაგან გათავისუფლებისას გამოიყენება საქართველოს საგადასახადო კოდექსის 206-ე მუხლი.

3. ქონების გადასახადის გამოანგარიშებისა და გადახდის წესი, შესაბამისი დაბეგვრის ობიექტის მიხედვით ქონების გადასახადისაგან გათავისუფლებული ქონების სახეები დადგენილია საქართველოს საგადასახადო კოდექსის 205-ე და 206-ე მუხლებით.

წარმოდგენილ დადგენილების პროექტთან დაკავშირებით კომისიის წევრების მიერ სხვა შენიშვნები არ გამოთქმულა.

სხდომის თავმჯდომარემ, ალექსანდრე მახათაძემ კენჭი უყარა წარმოდგენილ დადგენილების პროექტს.

მომხრე-8, წინააღმდეგი-არცერთი.

კომისიამ მიიღო გადაწყვეტილება:

დღის წესრიგის პირველი საკითხი „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს დადგენილების პროექტი მიღებულ იქნა შენიშვნების გარეშე.

დღის წესრიგის მეორე საკითხი „ლანჩხუთის მუნიციპალიტეტის „შპს ტურიზმისა და სოფლის მეურნეობის ხელშეწყობის ცენტრის“ დაფუძნებაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი კომისიას გააცნო სხდომის თავმჯდომარემ, ალექსანდრე მახათაძემ. მან აღნიშნა, რომ ამ პროფილის შეზღუდული პასუხისმგებლობის საზოგადოების ფორმით ჩამოყალიბების ძირითადი მიზანი მუნიციპალიტეტში სოფლად მცხოვრები მოსახლეობის შესაძლებლობების გაძლიერება, მათი ეკონომიკური ჩართულობის გაზრდა, დასაქმების ხელშეწყობა და ადგილობრივი მოსახლეობის შემოსავლების ზრდაა.

ეკა გუჯაბიძემ გააკეთა განმარტება და აღნიშნა, რომ იურიდიული პირის მიზნებად განსაზღვრულია შემდეგი ამოცანები:

- ა) ლანჩხუთის მუნიციპალიტეტში ტურიზმისა და სოფლის მეურნეობის განვითარების ხელშეწყობა;
- ბ) ლანჩხუთის მუნიციპალიტეტში ტურიზმისა და სოფლის მეურნეობის სფეროში დასაქმებული ადამიანების მხარდამჭერი პროექტებისა და პროგრამების მომზადება/განხორციელება, მათი ინფორმირება აღნიშნულ სფეროში არსებული სიახლეებისა და სახელმწიფოს მიერ გამოცხადებული ეკონომიკური პროექტების შესახებ;
- გ) მუნიციპალური პროექტების მომზადება კერძო/სახელმწიფო ინვესტიციების მოზიდვის მიზნით;
- დ) მუნიციპალიტეტის ტერიტორიაზე არსებული ტურისტული ობიექტების აღრიცხვა/რეკლამირება;
- ე) ახალი ტურისტული მარშრუტების შემუშავება-დაგეგმვა და მარკირება;
- ვ) ტურისტულ ოპერატორებთან, კომპანიებთან ერთად ინფო-ტურების ორგანიზება მუნიციპალიტეტის ტერიტორიაზე არსებული ტურისტული ობიექტების პოპულარიზაციის მიზნით;

ზ) ტურისტული ფესტივალების, ბაზრობების, მოგზაურობების, სპორტულ გამაჯანსაღებელი და კულტურული ღონისძიებების ჩატარება;

თ) სასოფლო-სამეურნეო ტერიტორიების განვითარებისათვის ხელშემწყობი აგროტურისტული აქტივობების დანერგვა;

ი) მოზარდებისათვის სასოფლო ტურების მოწყობა;

კ) მუნიციპალიტეტში წარმოებული სასოფლო-სამეურნეო პროდუქციის რეკლამირება და სარეალიზაციო ბაზრის მოძიებაში ხელშეწყობა;

ლ) სოფლის მეურნეობის დარგში არსებული მავნებლების წინააღმდეგ ბრძოლისთვის საჭირო ინფორმაციის შეგროვება, დამუშავება, მოსახლეობის ტექნიკური და ინფორმაციული მხარდაჭერა;

მ) კანონით ნებადართული ყველა სხვა საქმიანობა, რომელიც არ არის გათვალისწინებული წესდებით, მაგრამ არ ეწინააღმდეგება დაწესებულების მიზნებს.

მან ასევე აღნიშნა, რომ იურიდიული პირის საქმიანობისათვის ფინანსური რესურსები გათვალისწინებულია მუნიციპალიტეტის 2023 წლის ბიუჯეტში.

გიორგი გოგუაძემ აღნიშნა, რომ გასულ წელს მოხდა ა(ა)იპ „ლანჩხუთის მუნიციპალიტეტის ეკონომიკური განვითარებისა და ინოვაციების ცენტრი“-ს ლიკვიდაცია იმ მოტივით, რომ მერიის სტრუქტურული ერთეულების ფუნქციები და აღნიშნული ა(ა)იპის საქმიანობა ქმნიდა ფუნქციათა გაორებას. მან დასვა შეკითხვა იმის თაობაზე, რომ ახალი იურიდიული პირის შექმნა გამოიწვევდა თუ არა ისევ ფუნქციათა გაორებას. ეკა გუჯაბიძემ განმარტა, რომ მერიაში რესტრუქტურიზაციის შედეგად შესაბამის სამსახურში გაუქმდა სოფლის მეურნეობის განყოფილება. აღნიშნული კუთხით მერიას ყავს მხოლოდ ერთი სპეციალისტი, რაც არასაკმარისია შესაბამისი სამუშაოების შესასრულებლად. აქედან გამომდინარე მიზანშეწონილად ჩაითვალა, რომ შეიქმნას ახალი იურიდიული პირი, რომელიც იმუშავებს, როგორც ტურიზმის, სევე სოფლის მეურნეობის კუთხით. გიორგი გოგუაძემ ასევე დასვა შეკითხვა იმის თაობაზე, თუ რატომ არ მოხდა ახალი იურიდიული პირის შექმნა იანვრის თვიდან, რაზეც ეკა გუჯაბიძემ გააკეთა განმარტება, ვინაიდან ახალი შ.პ.ს-ს შექმნა დაკავშირებული იყო გარკვეულ პროცედურებთან, რომელსაც ჭირდებოდა დრო, აქედან გამომდინარე გადაწყდა მისი შექმნა მეორე კვარტალში.

ჯუმბერ ბლაგიძემ აღნიშნა, რომ ვინაიდან მან გასულ წელს ა(ა)იპ „ლანჩხუთის მუნიციპალიტეტის ეკონომიკური განვითარებისა და ინოვაციების ცენტრი“-ს ლიკვიდაციას მხარი დაუჭირა, ამ ეტაპისთვის იგი დეტალურად გაეცნობა საკითხს და მხოლოდ ამის შემდეგ მიიღებს გადაწყვეტილებას.

წარმოდგენილ განკარგულების პროექტთან დაკავშირებით კომისიის წევრების მიერ სხვა შენიშვნები არ გამოთქმულა.

სხდომის თავმჯდომარემ, ალექსანდრე მახათაძემ კენჭი უყარა წარმოდგენილ განკარგულების პროექტს.

მომხრე-6, თავი შეიკავა-2(ჯუმბერ ბლაგიძე, გიორგი გოგუაძე)

კომისიამ მიიღო გადაწყვეტილება:

დღის წესრიგის მეორე საკითხი „ლანჩუთის მუნიციპალიტეტის „შპს ტურიზმისა და სოფლის მეურნეობის ხელშეწყობის ცენტრის“ დაფუძნებაზე მერისთვის თანხმობის მიცემის შესახებ“ ლანჩუთის მუნიციპალიტეტის საკრებულოს განკარგულების პროექტი მიღებულ იქნა შენიშვნების გარეშე.

დღის წესრიგის მესამე საკითხი „ლანჩუთის მუნიციპალიტეტის 2022 წლის ბიუჯეტის შესრულების ანგარიშის დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტი კომისიას გააცნო სხდომის თავმჯდომარემ, ალექსანდრე მახათაძემ. მან აღნიშნა, რომ ლანჩუთის მუნიციპალიტეტის 2022 წლის ბიუჯეტის შესრულების წლიური ანგარიში მომზადებულია მუნიციპალიტეტის მერიის სამსახურებიდან და მერიის მიერ დაფუძნებული ა(ა)იპ-ებიდან მოწოდებული ინფორმაციის და საქართველოს საბიუჯეტო კოდექსის გათვალისწინებით, რომელიც მოიცავს ბიუჯეტის ბალანსს საბიუჯეტო კლასიფიკაციის მიხედვით, შემოსულობების, გადასახდელების და ნაშთის ცვლილების ფაქტობრივი მოცულობების შედარებას შესაბამისი პერიოდის გეგმიურ მაჩვენებლებთან, ბიუჯეტის ანგარიშებზე არსებულ ნაშთებს წლის დასაწყისისა და დასასრულისათვის, პროგრამების დაზუსტებულ ასიგნებებსა და გადახდილ თანხებს შორის შეუსაბამობის განმარტებას (30%-ზე მეტის არსებობის შემთხვევაში). ასევე, ინფორმაციას დასახული პრიორიტეტების ფარგლებში პროგრამების/ქვეპროგრამების მიხედვით განხორციელებული ღონისძიებების აღწერის და მიღწეული შედეგების, არასამეწარმეო (არაკომერციული) იურიდიული პირების ბიუჯეტების შესრულების წლიური მაჩვენებლების, სარეზერვო და წინა წლებში წარმოქმნილი დავალიანებების დაფარვისა და სასამართლოს გადაწყვეტილების აღსრულების ფონდებიდან გამოყოფილი სახსრების შესახებ.

როლანდ ლაშვიამ დეტალურად ისაუბრა წარმოდგენილ საკითხზე და აღნიშნა, რომ 2022 წლის 1 იანვრისათვის ბიუჯეტის ანგარიშებზე არსებულმა ნაშთმა მთლიანობაში შეადგინა 5312,3 ათასი ლარი. 2022 წელს ფულადი სახსრების (ნაშთის) გამოყენებამ შეადგინა 70,8 ათასი ლარი, 2023 წლის 1 იანვრისათვის ნაშთმა შეადგინა 5241,5 ათასი ლარი. მუნიციპალიტეტის 2022 წლის ბიუჯეტის შემოსულობების (შემოსავლები, არაფინანსური აქტივები, ფინანსური აქტივები, ვალდებულებების ზრდა) გეგმა განისაზღვრა 27592.08 ათასი ლარით, ფაქტიურმა შესრულებამ შეადგინა 28319.65 ათასი ლარი, ანუ გეგმის 102.6%. მუნიციპალიტეტის 2022 წლის ბიუჯეტით განსაზღვრული შემოსავლების (გადასახადები, გრანტები, სხვა შემოსავლები) გეგმა 27281,8 ათასი ლარი, ფაქტიურად 27951,4 ათასი ლარით შესრულდა, რამაც გეგმის 102.5% და მთლიანი შემოსულობების - 98.7% შეადგინა.

ქონების გადასახადიდან საანგარიშო პერიოდში მიღებულია 1349,9 ათასი ლარი, მათ შორის: საწარმოთა ქონების გადასახადიდან (გარდა მიწისა) მიღებულია 604.1 ათასი ლარი, ფიზიკურ პირთა ქონებაზე გადასახადიდან (გარდა მიწისა) – 35,5 ათასი ლარი, ხოლო მიწის გადასახადიდან – 882,8 ათასი ლარი. წინა წლის ანალოგიურ მაჩვენებელთან (2021 წლის ფაქტი – 1307,0 ათასი ლარი) შედარებით 42,9 ათასი ლარით მეტი შემოსავალია მიღებული, რაც ძირითადად საწარმოთა ქონების გადასახადზე (გარდა მიწისა) მოდის. დამატებული ღირებულების გადასახადიდან მიღებულია 10478,7 ათასი ლარი. წინა წლის ანალოგიურ მაჩვენებელთან (2021 წლის ფაქტი - 8471,5 ათასი ლარი) შედარებით 2007,2 ათასი ლარით მეტია მიღებული.

გრანტები საანგარიშო პერიოდში გრანტების სახით ბიუჯეტში ჩარიცხულია 13443,4 ათასი ლარი, მათ შორის: სხვა სახელმწიფო ერთეულებიდან მიღებული გრანტები - 13443,4 ათასი ლარი, კერძოდ: მიზნობრივი ტრანსფერი დელეგირებული უფლებამოსილების განსახორციელებლად – 1084,8 ათასი ლარი, სპეციალური ტრანსფერი – 1529,9 ათასი ლარი, კაპიტალური ტრანსფერი 6312,8 ათასი ლარი, სხვა კაპიტალური დანიშნულების გრანტები სახელმწიფო ბიუჯეტიდან 4515,8 ათასი ლარი. სხვა შემოსავლები საანგარიშო პერიოდში სხვა შემოსავლებისათვის განსაზღვრული 2680,8 ათასი ლარის ფაქტიურმა შესრულებამ 2679,4 ათასი ლარი შეადგინა, რაც გეგმის 99,9%-ია. წინა წლის ანალოგიურ მაჩვენებელთან

(2021 წლის ფაქტი - 3365,3 ათასი ლარი) შედარებით 685,9 ათასი ლარით ნაკლები შემოსავალია მიღებული, რაც ძირითადად ჯარიმების, სანქციების და საურავების ხარჯზე მოდის მათ შორის:

რენტის სახით მობილიზებულია 154,7 ათასი ლარი, მათ შორის: ბუნებრივი რესურსებით სარგებლობისათვის მოსაკრებელიდან - 145,5 ათასი ლარი, მიწის იჯარიდან და მართვაში (უზურფრუქტი, ქირავნობა და სხვა) გადაცემიდან - 9,2 ათასი ლარი.

ადმინისტრაციული მოსაკრებლებიდან და გადასახდელებიდან მიღებულია 231,7 ათასი ლარი, რაც გეგმის (232,0 ათასი ლარი) 99,9%-ია. მათ შორის: სანებართვო მოსაკრებელიდან მთლიანობაში მიღებულია 224,3 ათასი ლარი, რაც გეგმის (219,0 ათასი ლარი) 102,4%-ია. მათ შორის: მოსაკრებელი მშენებლობის (გარდა განსაკუთრებული მნიშვნელობის, რადიაციული ან ბირთვული ობიექტების მშენებლობისა) ნებართვაზე - 224,3 ათასი ლარი.

დასახლებული ტერიტორიის დასუფთავებისათვის მოსაკრებელიდან საანგარიშო პერიოდში მიღებულია 7,4 ათასი ლარი, რაც გეგმის (13,0 ათასი ლარი) 57,0%-ია და წინა წლის ანალოგიურ მაჩვენებელთან (6,2,0 ათასი ლარი) შედარებით 1,2 ათასი ლარით მეტია.

მომსახურების გაწევიდან მიმდინარე პერიოდში მთლიანობაში მიღებულია 25,3 ათასი ლარი, რაც გეგმის (30,0 ათასი ლარი) 60,9%-ია. მათ შორის: შემოსავალი შენობებისა და ნაგებობების იჯარაში ან მართვაში (უზურფრუქტი, ქირავნობა და სხვა) გადაცემიდან - 25,3 ათასი ლარი .

სანქციებიდან (ჯარიმები და საურავები) მიღებულმა შემოსავლებმა მთლიანობაში 1927,0 ათასი ლარი შეადგინა, რაც გეგმის (1975,8,0 ათასი ლარი) 97,5%-ია და 2021 წლის ანალოგიურ მაჩვენებელთან (3080,6 ათასი ლარი) შედარებით 1153,6 ათასი ლარით ნაკლებია.

ტრანსფერები რომელიც სხვაგან არ არის კლასიფიცირებული შემოსავლებიდან საანგარიშო პერიოდში მიღებულია 340,7 ათასი ლარი, რაც გეგმის (333,0 ათასი ლარი) 102,3%-ია. მათ შორის: წინა წელს გამოუყენებელი და დაბრუნებული საბიუჯეტო სახსრები - 0,4 ათასი ლარი, შემოსავალი ხელშეკრულების პირობების დარღვევის გამო დაკისრებული პირგასამტეხლოდან - 340,0 ათასი ლარი, სახელმწიფოსადმი მიყენებული ზიანის ანაზღაურებიდან მიღებული შემოსავალი - 0,3 ათასი ლარი.

არაფინანსური აქტივების კლებიდან მიმდინარე პერიოდში ჩარიცხულია 368,2 ათასი ლარის შემოსავალი. მათ შორის: ძირითადი აქტივების გაყიდვიდან მიღებულია 127,6 ათასი ლარი, არაწარმოებული აქტივების (მიწა) გაყიდვიდან - 240,6 ათასი ლარი.

2022 წელს გადასახდელების შესრულების 85,4%-იანი მაჩვენებელი დაფიქსირდა, რაც წინა წლის ანალოგიური მაჩვენებლის (128,9%) ტოლია, ხოლო თანხობრივად (2021 წელთან შედარებით) დახარჯულია 6367,7 ათასი ლარით მეტი. გადასახდელების საანგარიშო პერიოდის დაზუსტებულმა გეგმამ შეადგინა 33226,3 ათასი ლარი, ხოლო გაწეულმა საკასო ხარჯმა შეადგინა 28390,5 ათასი ლარი, რაც გეგმიური მაჩვენებლის 85,4%-ია. მათ შორის:

ხარჯების დაზუსტებულმა გეგმამ შეადგინა 16935,9 ათასი ლარი, გაწეულმა საკასო ხარჯმა - 15890,5 ათასი ლარი, რაც გეგმიური მაჩვენებლის 93,8%-ი და მთლიანი გადასახდელების საკასო შესრულების 56%-ია. არაფინანსური აქტივების ზრდის დაზუსტებულმა გეგმამ შეადგინა 16232,3 ათასი ლარი, გაწეულმა საკასო ხარჯმა - 12442,0 ათასი ლარი, რაც გეგმიური მაჩვენებლის 76,6%-ი და მთლიანი გადასახდელების საკასო შესრულების 43,8% ია. ვალდებულებების კლების დაზუსტებულმა გეგმამ შეადგინა 58,1 ათასი ლარი, გაწეულმა საკასო ხარჯმა - 58,0 ათასი ლარი, რაც გეგმიური მაჩვენებლის 99,8%-ი და მთლიანი გადასახდელების საკასო შესრულების 0,2%-ია. „შრომის ანაზღაურების“ მუხლით საანგარიშო პერიოდში გეგმა განისაზღვრა 6508,6 ათასი ლარის ოდენობით, ხოლო საკასო შესრულებამ შეადგინა 6165,8 ათასი ლარი, რაც გეგმიური მაჩვენებლის 94,7%-ს შეადგენს, ხოლო ბიუჯეტიდან გაწეული მთლიანი „ხარჯების“ საკასო შესრულების 38,8%-ია.

„საქონელი და მომსახურების“ მუხლით საანგარიშო პერიოდში გეგმა განსაზღვრულ იქნა 6933,8 ათასი ლარის ოდენობით. საკასო შესრულებამ შეადგინა 6679,7 ათასი ლარი, რაც გეგმის 96,3%-ს შეადგენს, ხოლო ბიუჯეტიდან გაწეული მთლიანი „ხარჯების“ საკასო შესრულების 42,0%-ია. „პროცენტის“ მუხლით საანგარიშო პერიოდში გეგმა განისაზღვრა 31,9 ათასი ლარის ოდენობით. საკასო შესრულებამ კი შეადგინა 28,7 ათასი ლარი, რაც გეგმის 90,0%-ს შეადგენს, ხოლო ბიუჯეტიდან გაწეული მთლიანი „ხარჯების“ საკასო შესრულების 0,2%-ია. ამ მუხლიდან თანხები მიმართულ იქნა საშინაო

ვალდებულებების მომსახურებაზე. „სუბსიდიების“ მუხლით საანგარიშო პერიოდში გეგმა განისაზღვრა 832.6 ათასი ლარით, ხოლო საკასო შესრულებამ შეადგინა 732.6 ათასი ლარი, რაც გეგმის 88.0%-ს, ხოლო ბიუჯეტიდან გაწეული მთლიანი „ხარჯების“ საკასო შესრულების 4.6%-ს შეადგენს. მუხლით საანგარიშო პერიოდში გეგმა განისაზღვრა 15.7 ათასი ლარით, ხოლო საკასო შესრულებამ შეადგინა 10.5 ათასი ლარი, რაც გეგმის 95%-ს, ხოლო ბიუჯეტიდან გაწეული მთლიანი „ხარჯების“ საკასო შესრულების 0.1%-ს შეადგენს. „სოციალური უზრუნველყოფის“ მუხლით საანგარიშო პერიოდში გეგმა განისაზღვრა 951.5 ათასი ლარით, ხოლო საკასო შესრულებამ შეადგინა 916.4 ათასი ლარი, რაც გეგმის 96.3%-ს, ხოლო ბიუჯეტიდან გაწეული მთლიანი „ხარჯების“ საკასო შესრულების 5.8%-ს შეადგენს. საანგარიშო პერიოდში ბიუჯეტით გათვალისწინებული სარეზერვო ფონდიდან, გამოყოფილი 79,785 ათასი ლარიდან გადარიცხულია 79,8 ათასი ლარი. მათ შორის: უკრაინელი ხალხის დასახმარებლად ფარმაცევტული პროდუქტების შეძენისთვის 9,9 მოქალაქეთა ფინანსური დახმარებისათვის - 59,9 ათასი ლარი, უბედური შემთხვევის შედეგად (ხანძარი, ბუნებრივი აირის გაჟონვის შედეგად აფეთქება და სხვა) დაზარალებული მოსახლეობის დასახმარებლად - 10,0 ათასი ლარი.

ჯუმბერ ბლაგიძემ გამოთქვა უკმაყოფილება იმის შესახებ, რომ ა(ა)იპებში სახელფასო ანაზღაურება ძალიან დაბალია და მოხდა მხოლოდ 10%იანი მატება, რაც მისი თქმით არასაკმარისია. მან დასვა შეკითხვა იმის თაობაზე, რომ იყო თუ არა შესაძლებლობა იმისა, რომ ხელფასები გაზრდილიყო 30%ით, რაზეც როლანდ ლაშხიამ გააკეთა განმარტება და აღნიშნა, რომ „საქართველოს 2023 წლის სახელმწიფო ბიუჯეტის შესახებ“ საქართველოს კანონით, „საჯარო დაწესებულებაში შრომის ანაზღაურების შესახებ“ საქართველოს კანონის შესაბამისად შეიცვალა დასაქმებულის საბაზო თანამდებობრივი სარგოს განაკვეთი, რის საფუძველზეც ყველგან მოხდა ხელფასების 10%იანი ზრდა. რამდენიმე ა(ა)იპში მოხდა ხელფასების მოწესრიგება და შესაბამისად მატებაც პროცენტულად უფრო მეტი გამოვიდა. თუ დაიგეგმება ხელფასების 30%იანი ზრდა ეს ადგილობრივი ბიუჯეტით ვერ მოხერხდება და აქ შესაბამისად სხვა ღონისძიებები იქნება გასატარებელი.

წარმოდგენილ განკარგულების პროექტთან დაკავშირებით კომისიის წევრების მიერ სხვა შენიშვნები არ გამოთქმულა.

სხდომის თავმჯდომარემ, ალექსანდრე მახათაძემ კენჭი უყარა წარმოდგენილ განკარგულების პროექტს.

მომხრე-7, თავი შეიკავა-1(ჯუმბერ ბლაგიძე)

კომისიამ მიიღო გადაწყვეტილება:

დღის წესრიგის მესამე საკითხი „ლანჩხუთის მუნიციპალიტეტის 2022 წლის ბიუჯეტის შესრულების ანგარიშის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი მიღებულ იქნა შენიშვნების გარეშე.

სხვადასხვა


- გიორგი გოგუაძემ დასვა შეკითხვა იმის თაობაზე, თუ ვისი იდეა იყო ქალაქის ცენტრში საათის დემონტაჟი და იქ დროშის აღმართვა, რაზეც ალექსანდრე მახათაძემ გააკეთა განმარტება და აღნიშნა, რომ საათი წლებია გაჩერებულია და არ ექვემდებარება შეკეთებას. სწორედ ამის გამო გადაწყდა მისი დემონტაჟი.
- გიორგი გოგუაძემ ასევე აღნიშნა, რომ ფრაქცია „ნაციონალური მოძრაობის“ თავმჯდომარე კახა ასკურავა გავიდა შევებულებაში და შეუწყდა საწვავის მიწოდება, რაც მისი თქმით არასწორია და იმას ნიშნავს, რომ ფრაქციამ შეწყვიტოს ფუნქციონირება. ია მოქიამ გააკეთა განმარტება და აღნიშნა, რომ საწვავისთვის გამოყოფილი ე. წ. „ჩიპი“ არის ინდივიდუალურად ფრაქციის თავმჯდომარის სახელზე და მას სხვა ვერ გამოიყენებს, თუნდაც ფრაქციის თავმჯდომარის მოვალეობის შემსრულებელი. ამიტომ მიზანშეწონილი იქნება საწვავის ე.წ. „ჩიპი“ დამზადდეს ფრაქციის თავმჯდომარის

მოადგილის სახელზე და თავმჯდომარის შვებულებაში გასვლის შემთხვევაში მოადგილე (თავმჯდომარის მოვალეობის შემსრულებელი) შეძლებს საწვავით სარგებლობას.

- გიორგი ჩახვაძემ გამოთქვა მოსაზრება იმასთან დაკავშირებით, რომ აღნიშნული თემა მსჯელობის საკითხია და საჭიროებს გადახედვას.
- ჯუმბერ ბლაგიძემ გამოთქვა უკმაყოფილება იმის შესახებ, რომ უკვე წლებია სოფელ სუფსაში, რკინიგზის სადგურის მიმდებარე ტერიტორიაზე დაწყებულია რკინიგზის ხიდის დემონტაჟის შედეგად მიღებული მასალები, სადაც ბუდობს ქვეწარმავლები და არის ანტისანიტარია. მან შეკითხვით მიმართა სუფსის მაჟორიტარ დეპუტატს, რომ იყო თუ არა ამ კუთხით რაიმე სახის ღონისძიებები დაგეგმილი. ია მოქიამ განმარტა, რომ აღნიშნულ საკითხთან დაკავშირებით მიმდინარეობს საქმის წარმოება იმ კუთხით, რომ მოსახლეობის მიერ დაიწერება განცხადება, რომელშიც დეტალურად იქნება აღწერილი მდგომარეობა, კერძოდ ის, რომ აღნიშნული ტერიტორია მოსახლეობისათვის საფრთხის შემცველია ვინაიდან იქ ბუდობს ქვეწარმავლები და წერილი გაიგზავნება რკინიგზის დეპარტამენტში რეაგირების მიზნით.
- ჯუმბერ ბლაგიძემ აღნიშნა, რომ სოფელ სუფსის გარკვეულ მონაკვეთებზე მოსაგვარებელია გარე განათების საკითხი, რაზეც ია მოქიამ განმარტა, რომ სოფელ ხიდმაღალაში სოფლის მხარდაჭერის პროგრამით მოხდება გარე განათების მოწყობა.

ამით კომისიის სხდომამ მუშაობა დაასრულა.

საფინანსო-საბიუჯეტო
კომისიის თავმჯდომარე:



ალექსანდრე მახათაძე

ლანჩხუთის მუნიციპალიტეტის საკრებულოს

საფინანსო-საბიუჯეტო კომისიის დასკვნა №2

2023 წლის 17 მარტს ჩატარებულ იქნა ლანჩხუთის მუნიციპალიტეტის საკრებულოს საფინანსო-საბიუჯეტო კომისიის სხდომა.

სხდომამ განიხილა დღის წესრიგით გათვალისწინებული შემდეგი საკითხები:

1. „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.
2. „ლანჩხუთის მუნიციპალიტეტის „შპს ტურიზმისა და სოფლის მეურნეობის ხელშეწყობის ცენტრის“ დაფუძნებაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.
3. „ლანჩხუთის მუნიციპალიტეტის 2022 წლის ბიუჯეტის შესრულების ანგარიშის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

კომისიამ მიიღო გადაწყვეტილება:


დღის წესრიგის პირველი საკითხი „ადგილობრივი (ქონების) გადასახადის შემოღებისა და მისი განაკვეთების შესახებ“ ლანჩხუთის მუნიციპალიტეტის საკრებულოს დადგენილების პროექტი მიღებულ იქნა შენიშვნების გარეშე.

დღის წესრიგის მეორე საკითხი „ლანჩხუთის მუნიციპალიტეტის „შპს ტურიზმისა და სოფლის მეურნეობის ხელშეწყობის ცენტრის“ დაფუძნებაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი მიღებულ იქნა შენიშვნების გარეშე.

დღის წესრიგის მესამე საკითხი „ლანჩხუთის მუნიციპალიტეტის 2022 წლის ბიუჯეტის შესრულების ანგარიშის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი მიღებულ იქნა შენიშვნების გარეშე.

საფინანსო-საბიუჯეტო









კომისიის თავმჯდომარე :



ალექსანდრე მახათაძე

ლანჩხუთის მუნიციპალიტეტის საკრებულოს საფინანსო-საბიუჯეტო კომისიის
წევრთა დასწრების სარეგისტრაციო ფურცელი

17.03.2023 წელი
14:00 საათი

	სახელი, გვარი	გამოცხადების დრო	ხელმოწერა
1	ალექსანდრე მახათაძე	13:50	
2	ია მოქია	13:50	
3	გიორგი ჩახვაძე	14:00	
4	სპარტაკ კვაჭაძე	13:57	
5	კახა თედორაძე	14:00	
6	ვლადიმერ ნანაძე	ძი ესტუმოვა	
7	გიორგი გოგუაძე	13:50	
8	ვერიკო კვიციანი	14:00	
9	ჯუმბერ ბლაგიძე	13:50	